



Broj: 609/25

Datum: 06.03.2025. godine

Na osnovu člana 69. stav (2) tačka d), člana 70. stav (1), (4) i (6) Zakona o javnim nabavkama („Službeni glasnik BiH“ br. 39/14, 59/22 i 50/24), Pravilnika o javnim nabavkama roba, usluga i radova br. 2448/22 od 30.12.2022. godine, Statuta JP „LOKOM“ d.o.o. Sarajevo (Službene novine KS br. 15/13, 47/14, 29/18, 3/22, 20/23 i 28/24), Zapisnika o pregledu i ocjeni ponuda br. 569/25 od 03.03.2025. godine, a na preporuku Komisije za javnu nabavku, direktor JP „LOKOM“ d.o.o. Sarajevo, **d o n o s i**

## **ODLUKU** **o poništenju postupka javne nabavke**

### **Član 1.**

Poništava se konkurentski zahtjev za dostavu ponuda u postupku javne nabavke nasipnog materijala - separisanog tampona, objavljenog na Portalu javnih nabavki nabavki dana 17.02.2025 godine, broj obavještenja: 269-7-1-27-3-49/25.

### **Član 2.**

Konkurentski zahtjev za javnu nabavku roba iz člana 1. ove Odluke poništava se na osnovu člana 69. stav (2) tačka d) Zakona o javnim nabavkama BiH („Službeni glasnik BiH“ br. 39/14, 59/22 i 50/24) iz razloga što nijedna od primljenih ponuda nije prihvatljiva.

### **Član 3.**

Ova Odluka objavit će se na internet stranici ugovornog organa u skladu sa članom 70. stav (6) Zakona o javnim nabavkama BiH, te će se uputiti svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama BiH.

### **Član 4.**

Za izvršenje ove Odluke zadužuje se Služba za ekonomsko finansijske poslove, marketing i pravne poslove u Sektoru za zajedničke poslove.

### **Član 5.**

Protiv ove Odluke dozvoljena je žalba u roku od 10 (deset) dana od dana prijema iste

## **Obrazloženje**

Postupak za javnu nabavku nasipnog materijala - separisanog tampona, putem konkurentskog zahtjeva za dostavljanje ponuda, pokrenut je Odlukom o pokretanju postupka javne nabavke br. 229/25 od 14.02.2025. godine.

Shodno članu 16. Zakona o javnim nabavkama predmetni postupak javne nabavke nije podijeljen na lotove jer se radi o cjelovitoj nabavci, odnosno nabavci jedne vrste tampona.

Ukupna procijenjena vrijednost javne nabavke iznosi 39.200,00 KM bez PDV-a.

Kriterij za dodjelu ugovora je najniža cijena. Za navedeni postupak javne nabavke predviđena je primjena e-Aukcije, u skladu sa odredbama Pravilnika o uslovima i načinu korištenja e-Aukcije („Službeni glasnik BiH“, br. 80/23). Predviđeno je zaključenje okvirnog sporazuma sa jednim najpovoljnijim ponuđačem na period od 2 (dvije) godine.

Komisija za provođenje postupka javne nabavke imenovana je Rješenjem broj: 230/25 od 14.02.2025. godine.

Obavještenje o nabavci i tenderska dokumentacija su objavljeni na Portalu javnih nabavki dana 17.02.2025. godine u 15:25 sati pod brojem: 269-7-1-27-3-49/25, a sažetak Obavještenja o nabavci objavljen je u „Službenom glasniku BiH – Oglasnik javne nabavke“ br. 9/25 dana: 21.02.2025. godine, u skladu sa odredbama člana 11. stav 8. u vezi sa članom 6. stav 3. i stav 4. Uputstva o uslovima i



načinu objavljivanja obavještenja i dostavljanja izvještaja o postupcima javnih nabavki na Portalu javnih nabavki ("Službeni glasnik BiH" br. 80/22).

Iz Izvještaja o pitanjima i odgovorima u vezi sa tenderskom dokumentacijom, preuzetog sa Portala javnih nabavki, vidljivo je da, u periodu koji je ostavljen za dostavljanje ponuda, nije bilo postavljanih pitanja vezano za pojašnjenje tenderske dokumentacije.

Prema Izvještaju o preuzimanju tenderske dokumentacije od strane ponuđača tendersku dokumentaciju, sa Portala javnih nabavki, je preuzelo 15 (petnaest) potencijalnih ponuđača, zaključno sa krajnjim datumom za preuzimanje tenderske dokumentacije.

U određenom krajnjem roku za dostavu ponuda (28.02.2025. godine do 11:00h) blagovremeno je dostavljena 1 (jedna) ponuda, i to ponuda ponuđača: 1. Teko Mining Lapišnica d.o.o. sa sjedištem na adresi Bulozi bb, 71144 Hreša, Istočno Sarajevo, BiH, koja je zaprimljena kod ugovornog organa pod brojem protokola 134/25 dana 28.02.2025. godine u 10:20 sati.

Komisija za provođenje postupka javne nabavke je istog dana 28.02.2025. godine, u sjedištu ugovornog organa JP „LOKOM“ d.o.o. Sarajevo, Halilovići br. 45, 71000 Sarajevo, sa početkom u 11:30 časova pristupila javnom otvaranju pristigle ponude i sačinila Zapisnik o otvaranju ponuda koji je uz Zapisnik o zaprimanju ponuda isti dan prosljeđen ponuđačima koji su učestvovali u predmetnom postupku javne nabavke u skladu sa tačkom 5.13. predmetne tenderske dokumentacije, koja reguliše način komunikacije između ugovornog organa i ponuđača. Na javnom otvaranju ponuda bio je prisutan predstavnik ponuđača Teko Mining Lapišnica d.o.o., gđin. Adnan Saračević, koji je prisustvovao javnom otvaranju ponuda bez punomoći, tako da isti nije imao pravo potpisati Zapisnik sa otvaranja ponuda, niti preduzimati bilo koje pravne radnje u ime ponuđača.

Zapisnikom o otvaranju ponuda konstatovano je da je ponuda uredno zatvorena, te da je ponuđena cijena, kako slijedi: 1. Teko Mining Lapišnica d.o.o. u iznosu od 39.200,00 KM bez PDV-a.

Nakon javnog otvaranja ponuda Komisija za javne nabavke je pristupila pregledu i ocjeni ponuda, te o tome sačinila Zapisnik o pregledu i ocjeni ponuda u kojem je utvrđeno sljedeće:

- da je blagovremeno zaprimljena 1 (jedna) ponuda u određenom krajnjem roku, i to ponuda ponuđača: Teko Mining Lapišnica d.o.o.;
- da nije bilo neblagovremenih ponuda;
- da je zaprimljena ponuda ponuđača Teko Mining Lapišnica d.o.o. ocijenjena kao nepravilna u skladu sa članom 2. stav (1) tačka 1) alineja 3) Zakona o javnim nabavkama BiH, te je ista isključena iz daljeg postupka javne nabavke;
- Ponuda ponuđača Teko Mining Lapišnica d.o.o. sa sjedištem u Istočnom Sarajevu, ul. Bulozi bb, 71144, Istočno Sarajevo je isključena iz daljeg postupka javne nabavke iz sljedećih razloga:

Uvidom u priloženu dokumentaciju ponude ponuđača Teko Mining Lapišnica d.o.o. i suštinskom provjerom sadržaja i validnosti dokumentacije, Komisija je konstatovala da ponuda ne ispunjava uslove tražene tenderskom dokumentacijom.

Naime, ponuđač Teko Mining Lapišnica d.o.o. je u ponudi dostavio Izjavu o ispunjenosti uslova iz člana 45. stav (1) tačka od a) do d) Zakona o javnim nabavkama BiH i Pismenu izjavu iz člana 52. Zakona o javnim nabavkama u kojima je, u dijelu predviđenom da se upiše broj lične karte i organ nadležan za izdavanje iste, ponuđač propustio upisati tražene podatke, pri čemu je postupio suprotno zahtjevima iz tačke 3.1.2. tenderske dokumentacije. Forma izjave o ispunjenosti uslova iz člana 45. Zakona i pismene izjave iz člana 52. Zakona o javnim nabavkama objavljena je u Uputstvu za pripremu modela tenderske dokumentacije i ponuda („Službeni glasnik BiH“, br. 90/14 i 20/15) i ista predstavlja podzakonski akt koji su ponuđači dužni koristiti prilikom pripreme ponuda za konkretan postupak javne nabavke, te svako njihovo nepopunjavanje ili pogrešno popunjavanje čini povredu postupka javne nabavke.

Nadalje, ponuđač u dostavljenoj ponudi nije izvršio numerisanje stranica u skladu sa tačkom 4.2.10. i 4.2.11. tenderske dokumentacije, članom 8. stav 6. i 7. Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15) i članom 58. stav 2. Zakona o javnim nabavkama, odnosno ponuđač je numerisao samo stranice ponude 1., 37., 38., 39., 40., 41. i 42. čime je narušio kontinuitet numerisanja stranica i integritet odnosno cjelovitosti ponude. Također,



ponuđač je postupio suprotno zahtjevima iz tačke 4.2.12. tenderske dokumentacije i članom 58. stav 2. Zakona o javnim nabavkama, obzirom da je isti prilikom numerisanja stranica br. 37., 38., 39., 40., 41., vršio ispravke na način da je preko pogrešnog broja upisivao novi broj, pri čemu ispravljani podatci nisu jasno i nedvosmisleno vidljivi, linijom precrtani, parafirani, bez navođenja datuma izvršene ispravke.

Shodno navedenim, ponuda ponuđača Teko Mining Lapišnica d.o.o. je odbaćena shodno odredbi člana 68. stav (4) tačka i) Zakona o javnim nabavkama, te odredbi člana 2. stav (1) tačka l) alineja 3) Zakona o javnim nabavkama kao nepravilna, jer ponuda nije u skladu sa tenderskom dokumentacijom.

Obzirom da nijedna od primljenih ponuda nije prihvatljiva, Komisija za javnu nabavku je konstatovala da su ispunjeni uslovi iz člana 69. stav (2) tačka d) Zakona o javnim nabavkama BiH ("Službeni glasnik BiH", br. 39/14, 59/22 i 50/24) za poništenje postupka javne nabavke, te dala prijedlog direktoru Preduzeća da donese Odluku o poništenju postupka javne nabavke.

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Iz navedenih razloga, primjenom člana 69. stav (2) tačka d) Zakona o javnim nabavkama BiH, odlučeno je kao u dispozitivu Odluke.

#### **POUKA O PRAVNOM LIJEKU:**

Protiv ove Odluke može se izjaviti žalba Uredu za razmatranje žalbi BiH putem ugovornog organa, najkasnije u roku od 10 (deset) dana od dana prijema iste. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

*Prilog: Kopija Zapisnika o pregledu i ocjeni ponuda broj: 569/25 od 03.03.2025. godine.*

**JP „LOKOM“ d.o.o. Sarajevo**  
**Direktor**

**Adnan Šabanović**

Dostaviti:

1. Teko Mining Lapišnica d.o.o.,
2. Službena stranica Preduzeća,
3. Komisija za javne nabavke,
4. a/a.